

集部

欽定四庫全書

文編卷六十三 集部

群校官檢討E

侍讀臣孫球覆勘 生

總校官進士臣楊懋珩 校對官編修臣汪 騰銀舉人臣藍嘉璐

鏞

九七日年 日世日 春秋千五百年以名為傅者五家今用其三馬 焦思慮以為論注疏說者百千人矣攻計很怒 1129明 侍讀陸文通先生基表玩宗 為書處則充棟宇出則汗牛 學者窮老盡氣左視右 唐順之 編

十年書而志之者又十餘年其事大備為春秋集註十 於是合古今散同異聯之以言累之以文益講道者二 侈大矣哉先生字某既讀書得制作之本而獲其師友 童皆可積學以入聖人之道傳聖人之教是其徳豈不 至於久子傷夷君臣抵悖者前世多有之甚矣聖人之 莫得而本則專其所學以訾其所異黨枯竹護朽骨以 金グログノニー 難知也有吳郡人陸先生質以其師友天水啖助泊 匡能知聖人之肯故春秋之言及是而光明使庸人小 趙

書出馬而先生為巨儒用是為天子爭臣尚書郎國子 かんっとりますした きる : 上是歲嗣天子践祚而理尊優師儒先生以疾聞臨問 永貞年侍東宫言其所學為古君臣圖以獻而道達乎 博士給事中皇太子侍讀皆得其道剌二州守人知仁 篇辩疑七篇微指二篇明章大中發露公羯其道以生 不過乎物既成以授世之聰明之士使陳而明之故其 其法以文武為首以周公為翼揖讓升降好惡喜怒而 人為主以堯舜為的岂羅旁魄膠轕下上而不出於正 文組

如皐人先生為人師言行而身化之使誠明者達昏愚 先生諱瑗字翼之姓胡氏其上世為陵州人後為泰州 書者過其墓哀其道之所由乃作石以表碣 書通于後世遂相與諡曰文通先生後若干祀有學其 生道之存也以書不及施於政道之行也以言不及覩 其理門人世儒是以増慟将冀以先生為能文聖人之 加禮其月日終于京師其月日葵子其郡其里嗚呼先 金グログ 胡先生墓表 歐陽修 1:1:1 卷六十三

年天子開天章閣與大臣講天下事始慨然詔州縣皆 次已四軍上書 法以為太學法至令為著令後十餘年先生始來居太 立學於是建太學於京師而有司請下湖州取先生之 備行之數年東南之士莫不以仁義禮樂為學慶歷四 者勵而頑傲者革故其為法嚴而信為道久而尊師道 子去來常數百人各以其經轉相傳投其教學之法最 明復石守道三人而先生之徒最盛其在湖州之學弟 廢久矣自景祐明道以來學者有師惟先生暨泰山孫

遂居湖學召為諸王宫教授以疾免巳而以太子中舍 密州觀察推官丁父憂去職服除為保寧軍節度推官 衣見天子論樂拜秘書省校書郎辟丹州軍事推官改 皆循循雅飭其言談舉止遇之不問可知為先生弟子 其學者相語稱先生不問可知為胡公也先生初以白 名當時或取果拜居顯仕其餘散在四方隨其人賢愚 部貢舉歲所得士先生弟子十嘗居四五其髙弟者知 學學者自遠而至太學不能容取旁官署以為學舍禮 卷六十三

i P

能朝天子數遣使者存問又以太常博士致仕東歸之 國子監直講乃居太學遷大理寺丞賜維衣銀魚嘉祐 大理評事兼太常寺主簿又以疾辭歲餘為光禄寺及 致仕 遷殿中丞於家皇祐中驛召至京師議樂復以為 路人嗟歎以為紫以四年六月六日卒于杭州享年六 元年遷太子中允充天章閣侍講仍居太學已而病不 日太學之諸生與朝廷賢士大夫送之東門執弟子禮 有七以明年十月五日葵于烏程何山之原其世次

饉之人皆曰自連公亡使吾無所告依而生以為恨嗚 思之其長老教其子弟所以孝友恭謹禮讓而温仁必 徳在乎人不待表而見於後世然非此無以慰學者之 官邑與其行事前陽蔡君謨具誌于幽堂嗚呼先生之 **金定庫全書** 以處士為法曰為人如連公足矣其於寡孤獨玄荒饑 連處士應山人也以一布衣終于家而應山之人至今 思乃揭于其墓之原六年八月三日廬陵歐陽修述 連處士墓表 歐陽修

ノハロシャー 及旁近縣之民皆賴之盗有竊其牛者官為捕之甚急 此吾貲也歲饑出穀萬斛以耀而市穀之價卒不能增 進父卒家故多貨悉散以賙鄉里而教其二子以學曰 其父正以疾廢于家處士供養左右十餘年因不復仕 推官卒而反葵應山遂家馬處士少舉毛詩一不中而 之其先閩人自其祖光裕當為應山今後為磁郢二州 此其所謂行之以躬不言而信者歟處士諱舜賓字輔 呼處士居應山非有政令恩威以親其人而能使人

後皆舉進士及第今展為壽春令厚為宜城令處士以 疾而卒以其枢歸應山應山之人去縣數十里迎哭爭 天聖八年十二月 某日卒 慶歷二年某月日葵子安陸 連公行喪處士生四子曰庶庠庸膺其二子教以學者 負其極以還過縣市市人皆哭為之罷市三日曰當為 長者不可犯也捨之而去處士有弟居雲夢往省之得 之嘗以事之信陽遇益於西屬左右告以處士盗曰此 盗窮以牛自歸處士為之處謝曰煩爾送牛厚遺以遣

舒定四月生書

卷六十三

醫無貧富貴賤請之軟往與之財非義報謝而不受時 蔽山之 陽自卒至今二十年應山之長老識處士者 與 こうこく ここう 墓以告于後人八年閏正月一日廬陵歐陽修述 時而失則懼應山之人不復能知處士之詳也乃表其 士之風者尚未遠使更三四世至于孫曽其所傳聞有 其縣人嘗賴以為生者往往尚皆在其子弟後生聞處 淮之南有善士三人皆居於真州之揚子杜君者寓於 處士征君墓表王安石

亦好屬文有集若干卷兩人者以醫筮故多為賢士大 對定四库全書 夫人至孝居鄉里恂恂恭謹樂振人之窮急而未嘗與 夫所知而征君獨不聞於世征君者諱某字某事其母 巾不見寓於筮日得百數十錢則止不更筮也能為詩 命之理而其心曠然無累於物而予當與之語久之而 時窮空幾不能以自存而未嘗有不足之色益善言性 人校曲直好蓄書能為詩有子五人而教其三人為進 不厭也徐君忠信篤實遇人至謹雖疾病召筮不正衣 卷六十三

らんろころ らし ハニチラ ニーハ 墓上杜君諱嬰字大和徐君諱仲堅字其 者道之而征君之子又以請于是書以道之使之鏡諸 鄉之善士必有以貴於一鄉一國之善士必有以貴于 征君以基年某月其甲子終于家年七十七噫古者一 士某令為某官某令為某官某亦再貢於鄉征君與兩 人者相為友至驟而莫逆也兩人者皆先征君以死而 國此道亡也久矣余獨私愛夫三人者而樂為好事 石曼卿墓表 歐陽修 Ł

奇而不知其才之有可用也年四十八康定二年二月 是盆與時不合而人之從其遊者皆知愛曼卿落落可 顧不合於時乃一混以酒然好 劇飲大醉顏然自放由 俗勁武而曼卿少亦以氣自豪讀書不治章句獨慕古 曼卿諱延年姓石氏其上世為幽州人幽州入于契丹 人奇節偉行非常之功視世俗屑屑無足動其意者自 可乃家于宋州之宋城父諱補之官至太常博士幽燕 其祖自成始以其族間走南歸天子喜其來将禄之不

銀月四月百十二

理寺丞通判海州還為校理莊獻明肅太后臨朝曼卿 氏憂服除通判永静軍皆有能名充館閣校勘累**選大** 遷殿直久之改太常寺太祝知齊州金鄉縣數曰此亦 四日以太子中允秘閣校理卒于京師曼卿少舉進士 こうし 文節公素奇之謂曰母老乃擇禄即曼卿矍然起就之 不中真宗推思三舉進士皆補奉職曼卿初不肯就張 可以為政也縣有治聲通判乾寧軍丁母永安縣君李 ,書請還政天子其後太后崩范諷以言見幸引嘗言 7 . L .

陝西之民得鄉兵數十萬曼卿奉使籍兵河東還稱古 有欲以鄉兵杆賊者笑曰此得吾粗也夫不教之兵勇 昊反西方用兵始思其言召見稍用其說籍河北河東 然内外弛武三十餘年曼卿上書言十事不報已而元 太后事者遽得顯官欲引曼卿曼卿固止之乃已自契 丹通中國德明盡有河南而臣屬遂務休兵養息天下 緋衣銀魚天子方思盡其才而且病矣既而聞邊将 雜若怯者見敵而動則勇者亦奉而潰矣令或不

多定四库全書

卷六十三

てこうえ 其墓曰 既卒之三十七日葵于太清之先瑩其友歐陽修表於 貌偉然喜酒自豪若不可絕以法度退而質其平生趣 若不足為及聽其施設之方雖精思深慮不能過也状 暇教不若 募其敢行者則人人皆勝兵也其視世事茂 舍大節無一悖于理者遇人無賢愚皆盡忻歡及問而 稱其意氣有子濟滋天子聞其喪官其一子使禄其家 可不天下是非善惡當其意者無幾人其為文章勁健 11 117

於世若曼卿者非徒與世難合而不克所施亦其不幸 其合愈難然欲與共大事立奇功非得難合自重之士 士矣士之所負者愈大則其自顧也愈重自顧愈重則 嗚呼曼卿寧自混以為萬不少屈以合世可謂自重之 **到方四月五書** 毀身污迹卒困於無聞或老且死而幸一遇猶克少施 不可為也古之題雄之人未始不負萬世之志故寧或 不得至乎中壽其命也夫其可哀也夫 尚書屯田員外郎贈兵部員外郎錢君墓表飲湯 卷六十三

**读定四車全書** 監黄州麻城茶場遂知縣事遷著作佐即知斯州斯水 常州或屬江南或屬吳越而武進銭氏獨不顯方以儒 書郎為揚州廣陵潮州海陽縣今遷寧國軍節度推官 學廉讓行于鄉里連三世 不仕宗與取江南常州歸干 當唐末五代錢氏起餘杭據浙東西為吳越王於是時 君諱治字良範姓錢氏世為彭城人後徒吳興自君之 有司君始以州進士舉中景徳二年甲科武秘書省校 七世祖寶又徒常州之武進曾祖諱基祖諱某父諱某

海陽升為大縣潮之大姓某氏火迹其來自某家更捕 劉氏暴殘其民君為海陽經年民歸業者千餘户由是 曹躬織紙以資其學問每夜讀書母為滅燭止之君陽 子家享年五十有二君少好學能為文群家貧其母賢 員外郎通判宣州未行明道二年六月十一日以疾卒 甲科為吏長於决獄歷六縣皆有能政潮州自五代時 **卧母且睡椒復起讀州舉進士第一試禮部高第遂中** 懷安軍金堂縣又遷秘書丞知泰州如鼻縣再遷屯田 於足四年 全替 及而策卒初宣州官歲市茶于涇縣命君主之策子不 訊之某家號冤不服太守刁湛曰獄非錢君不可君問 文學曰吏事不足污子當以文章居臺閣欲為其文未 獄有疑者皆歸决於君工部侍郎凌策知宣州尤稱君 取林折足合之皆是仇人即服曰火自我出然故遺其 大姓得火所發牀足驗之疑里仇家物因率吏入仇家 迹其家者欲自免也其家就免君即日出某家狱致仇 人以法舉州稱為神明其佐宣州數決大獄及旁及郡

民足以衣食鹽猶農也乃悉求鹽利害為條目民便其 **哉縣人為君立生祠如皐民不農桑以鹽為生君曰使** 政所致謂之錢公三瑞君數曰吾知治民爾瑞豈吾致 年麥禾大稔麥一莖五岐禾一莖五穗者縣人以為君 肖以惡茶数千斤入于官君立焚之以白策策益以此 凡為盜者許其徒告以贖罪盗遂止會甘露降其縣明 五倍遂遷者確金堂故多盗君以伍保籍民察其出入 知君策卒君歎曰世無知我者矣在麻城以茶課歲增 米六十三

分りして

葛氏封萬年縣太君徒封福昌娶将氏初封樂安縣君 為文章三百餘篇號曰晦書君之皇考贈殿中及母諸 君二十年以卒卒時公瑾公輔皆以進士及第公瑾為 有賢行自君之卒日以君所為弱其五子以學蔣氏後 又封福清子男五人曰公餗公瑾公輔公儀公佐将氏 忠公為御史中及數欲引君為御史會君卒君平生所 五十或戰其任不達君曰使吾政行於民是達也察文 利而鹽最增積以石數者至四十五萬君在如皋時年

原皇里水之北至和二年三月壬午以将夫人從歐陽 百年而武進錢氏獨以隱德累世不顯豈以力者如彼 及鏐乘亂世起餘杭有地十三州號魚吳越而王者幾 以為姓自三代以來無甚顯者至唐末錢氏多居東南 修日錢姓出陸終蓋顓頊之苗裔始以士為周官久而 行里慶歷三年九月庚申公諫等葵君于其居之東北 氏自具祖寶徒武進其居與葵皆在其縣之遵教鄉敦 新鄭尉公輔以文章知名當世為太常及集賢校理錢

欽定四庫全書

卷六十三

察判官改太子中允知則縣徙知端州遷太常及博士 進士及第為峽州軍事判官淮南節度掌書記杭州觀 君諱寶臣字元珍姓丁氏常州晋陵人也景祐元年舉 進之錢自實七世至君有聞又有賢子不墜益彰其執 而以德者如此哉豈其盛衰遲速之理固有不同哉武 刻辭其示彌遠 孰止益恃力者雖域而必衰以徳者愈進而終顯立石 集賢校理丁君墓表歐伪修 +=

里者教其徒久而學者多所成就其後天子患館閣職 杭尤威君居杭學為教授以其素所學問而自修於鄉 望其容貌進趨知其君子人也居鄉里以文行稱少孤 籍遂為校理同知太常禮院君為人外和怡而內謹立 太常丞監湖州酒稅人復博士知諸暨縣編校秘閣書 兄吾父也慶歷中站天下大與學校東南多學者而湖 與其兄為於友悌兄亡服丧三年曰吾不幸幻失其親 坐海賊儂智高陷城失守奪一官徒置黄州久之復得

多定匹库全書

卷六十二

爱親之益其召自諸暨也以材行選及在館閣久而朝 勢利動其心未嘗走謁公卿與諸學士犀居恂恂人皆 亦以治剡者治之由是所至有聲及居閣下淡然不以 爱而思之謂不可復得者也今吾民乃幸而得之而君 廢特置編校八員其選甚精乃自諸暨召居秘閣君治 廷益知其賢英宗每論人物屢稱之國家自削除偕偽 州縣聴决 精明賦役有法民畏信而便安之其始治剡 如此後治諸暨則隣邑也其民聞其來雜曰此則

火之の事とき

破竹吏民皆望而散走獨君猶率羸卒百餘拒戰殺六 将吏有衆萬餘人順流而下潯梧封康諸小州所過 山海荒澗列郡數十皆為下州朝廷命吏常以 之故其守無城其戊無兵一 東南遂無事偃兵弛備者六十餘年矣而嶺外尤甚其 請不報义當得賊現者一 相峽扼至險以擊騎兵可必勝也乃請兵於廣州 既敗亦走初賊未至君語其下日幸得兵數千 卷六十三 日智高乘不備陷邕州殺 斬之賊既平議者謂 縣

é

官己而知其賢復召用後十餘年御史知雜蘇家受命 **贼宜原其情故一切輕其法而君以當請兵不得又能** 賢不可以一告廢而先帝已察其罪而輕之矣又數更 拒戰殺賊則又輕之故它失守者皆奪兩官而君奪 守空城提百十畿羸之卒當萬人卒至之賊可謂不幸 君文學宜居臺閣備侍從以承顧問而眇然以一 之明日建言請復治君前事奪其職而點之天子知君 而天子亦以謂縣官不素設備而責守吏不以空手捍

大王日日十日日 二

文編

**陵縣君先卒子男四人曰隅曰除曰隮皆舉進士曰恩** 贈尚書工部侍郎母張氏仙游縣太君君娶號氏封晉 州方待闕於香陵以治平四年四月其甲子暴中風眩 不傷之也乃用其校理歲滿所當得者即以君通判永 我且罪無再坐然猶以御史新用故屈君使少避而 夕卒享年五十有八累官至尚書司封員外郎階朝 郎熟上輕車都尉曾祖諱某祖諱基皆不仕父諱其 歲女一人適著作佐部集賢校理胡宗愈君既

金はでんとう

六月十四日廬陵歐陽修述 **毒天知有命因無憾於其心然知君之賢哀其志而惜** 憂患而遭困阨處之安馬未當見成戚之色其於窮達 卒天子憫然推恩録其子隅為太廟齊郎君之平生履 君諱谷字應之世為開封尉氏人曽祖節祖遇皆不仕 伐石紀辭以表見於後世庶幾以慰其思馬熙寧元年 ここうこく ことう 其命止於斯者不能無恨也於是相與論者君之大節 尚書屯田員外部張君墓表版佛修

員外郎復知陽武縣以疾致仕卒于家享年五十有九 士曹恭軍選者作佐郎知陽武縣通判眉州累遷屯田 少壮馳騁於一時而君居其問年尚少獨苦羸病肺嗎 深尹師魯同在一府其所與游雖他禄屬賓客多材賢 所至有能稱其在河南時予為西京留守推官與謝希 君為人剛介好學問事父母孝與朋友信其為史潔應 舉進士及第為河陽河南主簿蘇州觀察推官開封府 父炳為鄭州原武縣主簿因留家馬令為原武人也君 卷六十三

多次四库生書

ろんろしりら ハーチョー 羸弱者未必不能生雖其遲速長短相去幾何而強者 壮 馳 騁者丧其十八九而君 癯然垂血如故後二十 年 血者已十餘年 幸其疾少問軟亦從諸君飲酒諸君愛 不自勉或死而泯沒於無聞弱者能自力則必有稱於 問多為賢士大夫所知乃知夫康强者不可恃以久而 朝夕者其後同府之人皆解去而希深師魯與當時少 而止之君曰我宣久生者邪雖它人視君亦若不能勝 始以疾卒君雖病羸而力自為善居官為吏未嘗廢學 文編

年十一月某日用事前四日君亦卒遂以某日從葵于 其父太子中允母宋氏京兆縣太君於是遂致任歸于 後歸病于原武之盧足矣乃益買田治室於原武以待 得不死而官登于朝冀竊國家褒贈之龍以祭其親然 原武管其德政鄉之張固村原将葵其親卜以皇祐五 君自河南蘇州界為名公卿所薦乃遷著作為即官贈 也尚何區區於仕哉然吾嘗哀禄之及於親者薄若幸 後世君其是已君嘗謂予曰吾旦暮人耳無所取於世

金分四月日章

卷六十三

墓君娶祝氏封華陽縣君有子曰損試将作監主簿至 幸又嘉君之志信而有成於其葬也不及銘乃表於其 という一年 子子 邑人也明道二年八月壬寅以疾卒于官享年三十有 故大理寺丞河南府司録張君諱汝士字充夫開封襄 和二年三月七日翰林學士尚書吏部郎中知制語充 原上予與君遊久記其普所謂予者且哀君之賢而不 史館修撰歐陽修撰 河南府司録張君墓表敢防修 文編

其先君因出銘以示余葢君之卒距今二十有五年矣 忠鄉積慶里君之始葵北印也吉甫緩數歲而山甫始 乃得金谷古博命太原王顧以丹為緑書納于擴中嘉 七卒之七日葵洛陽北印山下其友人河南尹師魯誌 試天下貢士而山甫以進士試禮部乃來告以将改葵 生余及送者相與臨穴視室且封哭而去今年春余主 祐二年某月某日其子吉甫山甫改獒君子伊闕之教 其墓而廬陵歐陽修為之銘以其葵之速也不能刻石 卷六十三

金石里人 白雪

官既罷又辟司録河南人多賴之而守尹屢薦其材君 常坐府治事省文書尤盡心於獄訟初以辟為其府推 茂樹竒花怪石其平臺清池上下荒墟草莽之間余得 僖公善待士未當責以吏職而河南又多名山水竹林 學仕至貴顯所至多招集文士而河南吏屬適皆當時 初天聖明道之間錢文僖公守河南公王家子特以文 日從賢人長者賦詩飲酒以為樂而君為人静點修潔 賢材知名士故其幕府號為天下之威君其一人也文

次足四年上島

文編

矣其送君而臨完者及與君同府而遊者十益八九死 屬亦各引去今師魯死且十餘年王顧者死亦六七年 君其可謂有後矣自君卒後文僖公得罪貶死漢東吏 能教其子而二子孝謹克自樹立卒能改奏君如吉卜 該之曰筋身臨事余嘗愧克夫克夫不余愧也始君之 葵皆以其地 不善人獎速禮不備君夫人崔氏有賢行 亦工書喜為詩別則從余遊其語言簡而有意飲酒終 日不亂雖醉未嘗顏墮與之居者莫不服其德故師會

金グロ人人

矣其幸而在者不老則病且衰如予是也嗚呼威衰生 縣山甫始以進士賜出身云翰林學士右諫議大夫史 码于墓且以寫余之思馬吉甫令為大理寺及知旗氏 託於文字者可以無窮故於其改奏也書以遺其子俾 死之際未始不如是是宜足道哉惟為善者能有後而 有篇行君子曰周君者孝於其親友於其兄弟居父母 館修撰歐陽修撰 太常博士周君墓表此陽修

孝居丧盡哀而以禮者也禮之失久矣喪禮尤廢也今 喪主於哀而已不必合於禮者有矣如周君者事生盡 生能事而死能哀或不知喪禮者有矣或知禮而以謂 為問則非魯而他國可知也孔子殁而其後世人可知 復自孔子在魯而魯人不能行三年之喪其弟子疑以 必戚其哭必哀除丧而癯然不能勝人事者益久而後 喪與其兄某弟某居于倚廬不飲酒食肉者三年其言 也今世之人知事其親者多矣或居丧而不哀者有矣

欽定四庫全書 人

享年五十有一皇祐五年某月日葵于道州永明縣之 通判競州未行以慶歷五年六月朔日卒于朝集之舍 士歷連衛二州司理恭軍桂州司録知高安寧化二縣 有禮也在上位者不以身率其下在下者無所望於其 其衰麻之數哭泣之節居處之别飲食之變皆莫知夫 之居喪者惟仕宦婚嫁聽樂不為此特法令之所禁爾 俞道州永明縣人也天聖二年 舉進士累官至太常博 上其遂廢矣乎故吾於周君有所取也君諱尭卿字子 F

嗚呼孝非一家之行也所以移於事君而忠仁於宗族 而睦交於朋友而信始於一 能政有文集二十卷君有子七人曰論鼎州司理祭軍 家貧不事生產喜聚書居官禄雖薄常分俸以賙宗族 縣太君娶其氏封其縣君君學長於毛鄭詩左氏春秋 舒定匹库全書 紫微岡曽祖諱某祖諱某父諱基贈某官母唐氏封某 朋友人有慢已者皆厚為禮以愧之其為吏所居皆有 **洗湖州歸安主簿曰諡曰銀曰諲曰説曰註皆未仕** 卷六十三 鄉推之四海表于金石示

崇班以某年某月某日卒官于蜀州其子仲儒以其喪 簡肅公之徳而又得銘公其銘曰公躬直清官以材稱 之後世而勘考君之所施者無不可以書也豈獨俾其 歸葵于絳州之正平先葵而來乞銘以誌子幸嘗紀次 之弟薛之世徳終始有簡肅公之誌與碑公官至内殿 子孫之不隕也哉 公諱塾字宗道姓薛氏資政殿學士兵部尚書簡肅公 内殿崇班薛君墓表歌陽修

といういかといか

文编

繁其文而猶患於不章又備其行事惟恐不為世之信 孝矣然予考古所謂賢人君子功臣烈士之所以銘見 以永吾先君于不朽然不若码于隧以表見于世之昭 惟賢是似不愧其兄既葵而仲孺又來請曰銘之藏誠 也若薛氏之著于絳簡肅公之信于天下而予之銘公 于後世者其言簡而著及後世衰言者自疑於不信始 之世德予既見之銘而其子又欲码以昭顯于世可謂 的也予惟薛氏於終為著姓簡肅公於公為兄弟而公 基六十三

金いんせんろう

鎮為乾徳縣建光化軍歐氏遂為乾徳人修嘗為其縣 君諱慶字貽孫姓歐氏其上世為韶州曲江人後徒均 始予亦不敢畧而誌諸墓矣今之碣者無以加馬則取 不愧於其兄則公之銘不待繁言而信也然其行事終 人云 其可以簡而著者書之以慰其子之孝思而信于絳之 州之郎鄉又徙襄州之穀城乾徳二年分穀城之陰城 永春縣令歐君墓表歐的修

欠足四車全書!

**並德之人初未識學者見此三人皆尊禮而愛親之既** 戴國忠其一人口歐君也三人者學用出處未嘗一日 城酒税遷彭州軍事推官知泉州永春縣事而鄧公已 而皆以進士舉于鄉里而君獨熙于有司後二十年始 傅贈太師中書令鄧文懿公其一人曰尚書屯田郎中 今問其故老鄉問之賢者皆曰有三人馬其一人曰太 以同三禮出身為渾州湘潭主簿陳州司法叅軍監考 不同其忠信為於朋友孝悌稱於宗族禮義達于鄉問

卷六十三

大とりは上日 而窮者泯沒於無述則為善者何以勸而後世之來者 决曲直得一言遂不復爭人至于今傳之嗟夫三人之 其幸不幸豈足為三人者道哉然而達者昭顯于一時 貴顯于朝君尚為州縣吏所至上官多鄧公故舊君絕 動於其心雖乾徳之人稱三人者亦不以貴贱為異則 為道無所不同至其窮達何其異也而三人者未當有 廉貧宗族之孤切者皆養于家居鄉里有訟者多就君 口不復道前事至終其去不知君為鄧公友也君為吏 文編

寧十年二月已酉卒以五月壬申葵臨川王某誌其墓 已所不取也可使貪者矜馬而非彫斷以為薦所不為 日公學不期言也正其行而己行不期聞也信其義而 右正言實文閣待制特贈右諫議大夫汝陰常公以照 為鄧城縣令世動舉進士君以天聖七年卒享年六十 有四葵乾德之西北廣節山之原 何以考徳於其光故表其墓以示其子孫君有子世英 寶文閣待制常公墓表王安石

金に人に人とって

者無傳然皆知其忠而不阿所施乎下者無助然皆見 而特起嗚呼公賢遠矣傅載公久莫如以石石可磨也 道隱觀學者所取舍大抵時所好也違俗而適已獨行 其正而不茍詩曰胡不萬年惜乎既病而歸死也自周 人と日日上日世ョ 以觀其地已也使董學政以觀其造士也公所言乎上 則出而應馬於是天子悦其至虚已而問馬使莅諫職 而不赴或曰必退者也終此而已矣及為今天子所禮 也可使弱者立馬而非矯抗以為勇官之而不事召之

學他日從沈子於銅陵而遊觀其縣縣人得沈子必曰 是其父能政事已而予求其父所為書於沈子沈子曰 曰吾嘗聞於祖母矣先君為池州贵池縣主簿令不能 先君卒於逆旅其書悉為人取去無在者又問其政事 择而予告以沈子其知沈子之家者必曰是其父能文 子先君女子三人其季嫁沈子也他日有問子先君之 亦可泐也謂公且朽不可得也 金ピノロゴ 貴池主簿沈君墓表工安石

爭財者先君能為辨其曲直而卒使之感寤讓財相與 得壽考富貴以卒其學問完其施設故其文章不多見 自族人至於婚友無所不盡其心終身好書未嘗一日 而縣大治者先君之力也嘗攝銅陵縣事縣人有兄弟 而幾至於殆者數失故其仕當有去志而無留心唯不 不讀而於酣樂嫚戲未嘗豫也循道守官以不詔其上 方則吾不得其詳也沈子遂言曰先君事生嚴喪死哀 同居其去也两縣人追送涕泣遠馬而後去其施設之

尚書尚書生詢為潞州刺史昭義軍節度使自昭義以 欽定四庫全書 為尚書禮部員外郎生傳師為尚書吏部侍郎贈吏部 先湖州之武康人也武康之族顯久矣至唐有既濟者 為之論次曰君諱某字某再世家于杭州之錢塘而其 将卒於無傳也吾願以此屬子矣子應曰然子之先君 政事 不大傳而獨為邑人所記日月行矣不即論次惟 固賢而又有賢子其後世将必大不可使無考也於是 而獨為士友所知其行義不博聞而獨為親黨所稱其 米六十三

かんらとり 年上日 生日 予先君之壻也君以其年某月其甲子葵真州城北之 君真州之子天聖二年以進士起家楚州司法恭軍再 夫人元氏生男子伯莊季長叔通皆為進士而季長則 調為池州貴池縣主簿年三十六疾卒於京師之逆旅 累贈光禄卿光禄生玉尚書屯田郎中知真州軍州事 豪州軍事推官豪州生承誨大宋為明州定海縣主簿 官舒州生牢江南李氏時為競州刺史號州生廷蘋為 上三世皆有名迹列於國史昭義生丹為舒州團練判 文鋲

成人太夫人告之曰汝父為吏廉而好施與喜賓客其 俸禄雖薄常不使有餘曰毋以是為我累故其亡也無 嗚呼惟我皇者崇公卜吉于瀧岡之六十年其子修始 太夫人守節自誓居窮自力於衣食以長以教仰至于 克表於其阡非敢緩也蓋有待也修不幸生四歲而孤 原益其行義文學政事皆如其子之言云 金ガノリ **瓦之覆一雅之植以庇而為生吾何恃而能自守邪** 龍岡阡表成陽修

大人工 り 日 一大 年 一大 編 養之薄也間御酒食則入涕泣曰告常不足而今有餘 吾於汝父知其一二以有待於汝也自吾為汝家婦不 其後常然至其終身未當不然吾雖不及事站而以此 知汝父之能養也汝父為吏嘗夜燭治官書屢廢而歎 其何及也吾始一二見之以為新免於喪適然耳既而 免於母喪方逾年歲時祭祀則必涕泣曰祭而豐不如 之必有立然知汝父之必将有後也吾之始歸也汝父 及事吾姑然知汝父之能養也汝孤而幼吾不能知汝

居于家無所矜飾而所為如此是真發於中者邪嗚呼 因指而數曰術者謂我歲行在成将死使其言然吾不 用此語吾耳熟馬故能詳也其施於外事吾不能知其 及見兒之立也後當以我語告之其平居教他子弟常 猶失之死而世常求其死也回顧乳者施汝而立于旁 乎曰求其生而不得則死者與我皆無恨也矧求而有 吾問之則曰此死獄也我求其生不得爾吾曰生可求 邪以其有得則知不求而死者有恨也夫常求其生

金グロんろう

卷六十三

三郡太君自其家少微時治其家以儉約其後常不使 先公少孤力學咸平三年進士及第為道州判官泗綿 於仁吾不能教汝此汝父之志也修泣而志之不敢忘 儉仁愛而有禮初封福昌縣太君進封樂安安康彭城 岡太夫人姓鄭氏考諱徳儀世為江南名族太夫人恭 二州推官人為泰州判官享年五十有九葵沙溪之龍 之夫養不必豊要於孝利雖不得溥於物要其心之厚 其心厚於仁者邪此吾知汝父之必将有後也汝其勉

らんてい日は ハイナー

其三世益自嘉祐以來逢國大慶必加寵錫皇曾祖府 副樞密遂祭政事人七年而罷自登二府天子推恩褒 年修為龍圖閣直學士尚書吏部即中留守南京太夫 得禄而養又十有二年列官于朝始得贈封其親又十 人以疾終于官舍享年七十有二叉八年 修以非才入 有素美汝能安之吾亦安矣自先公之亡二十年修始 修貶夷陵太夫人言笑自若曰汝家故貧賤也吾處之 過之日吾兒不能苟合於世儉薄所以居患難也其後

金号四届台書

卷六十三

躬而賜爵受封顧榮褒大實有三朝之錫命是足以表 之常也惟我祖考積善成德宜享其隆雖不克有於其 小子修泣而言曰嗚呼為善無不報而運速有時此理 今上,初郊皇考赐爵為崇國公太夫人進號魏國於是 禄大夫太師中書令無尚書令皇如累封越國太夫人 尚書令祖妣累封吳國太夫人皇考崇公累贈金紫光 太夫人皇祖府君累贈金紫光禄大夫太師中書令兼 君界贈金紫光禄大夫太師中書令曾祖她累封楚國

炎足四軍 全十二

管內勸農使充京東東路安撫使上柱國樂安郡開國 **展四月辛酉朔十有五日乙亥男推誠保德崇仁朔戴** 功臣觀文殿學士特進行兵部尚書知青州軍州事魚 而幸全大節不辱其先者其來有自熙寧三年歲次庚 修者並揭于阡俾知夫小子修之德薄能鮮遭時竊位 公食邑四千三百户食實封一千二百户修表 又載我皇考崇公之遺訓太夫人之所以教而有待於 見於後世而庇賴其子孫矣乃列其世譜具列于碑既 自シェノ

自飾理同官憚伏衛晏使嶺南點陟求佐得公雅摘良 道進退薨贈太尉流聲于兹父乘仕至秘書少監贈太 欠已可戶在島 曰真房太尉家子孫也不敢弄以事轉同州澄城丞益 染不學以能始為鳳翔府恭軍尚少人吏迎觀望見咸 子詹事公胚胎前光生長食息不離典訓之內目濡耳 公諱啓字其河南人其大王父融王父琯仍父子為宰 相融相天后事遠不大傳琯相玄宗肅宗處艱難中與 清河郡公房公墓码鋁韓愈 衣股食不立資遺以班親舊朋友為義在容九年邊領 畧使拜御史中丞服佩視三品管有領外十三州之地 林蠻洞蜒守條死要不相漁刼稅節賦時公私有餘削 辨憿絕貞元末王叔文用事材公之為舉以為客州經 上介上聞其名徵拜虞部員外在省籍籍選萬年令果 遷佐胄累功進至刑部員外郎賜五品服副胄使事為 監察御史部無遺事胄遷江西又以節鎮江陵公一隨 奸南土大喜還進昭應主簿裴胄領湖南表公為佐拜 卷六十三

金グログろう

禮客主違言徵貳太僕未至貶虔州長史而坐使者以 **葵码墓請銘銘曰** 疾卒官年五十九其子越能解父事無失謹謹致孝既 以門庇佐使于南乃始以致既辨萬年命屏容服功緒 房氏二相厥家以聞條葉被澤况公其孫公初為吏亦 州封清河郡公食邑三千户中人使授命書應待失 殊氓操循業維不順隨失署亡資非公之怨銘以著

致定匹庫全書 途中将以日月葵妾重哀其生志不就恐死遂沈泯敢 名能文解者凡所言必傳世行後今妾不幸夫逢盗死 有女奴抱嬰兒來致其主夫人之語曰妾張圓之妻劉 長存所以益覆其遺角子若孫且死萬一能有知将不 也妾夫常語妾云吾常獲私於夫子且曰夫子天下之 悼其不幸於土中矣又曰妾夫在嶺南時當疾病泣 以其稚子汴見先生将賜之銘是其死不為辱而名永 唐河中府法曹張君墓碣銘韓愈

於是邪若爾吾哀必求夫子銘是爾與吾不朽也愈既 君字直之祖誰父孝新皆為官汴宋問君當讀書為文 ていりる とったり 名進攝河東令又有名遂署河東從事絳州闕刺史攝 坐事貶嶺南再選至河中府法曹恭軍攝虞鄉令有能 進士再不第因去事宣武軍節度使得官至監察御史 解有氣有吏才嘗感激欲自奮扳樹功名以見世初舉 哭吊辭遂叙次其族世名字事始終而銘曰 曰吾志非不如古人吾才豈不如今人而至於是而死

南偃師妻彭城人世有衣冠祖好順四州刺史父泳卒 位賢臣放退公為御史抗言以白其事得死于墀下史 二年柳宗元立码于其墓左在天實年有以謟諛至相 有唐貞臣汝南周氏諱某字某以諫死葵于某貞元十 靳州别駕女四人男一人嬰兒汴也是為銘 壬辰死于汴城西雙丘年四十有七明年二月日葵河 絳州事能聞朝廷元和四年秋有事適東方既還八月 故御史周君码柳京元

銀坑四月白書

得猛士而存不及與王之用沒不遭聖人之歎誠立志 人已日年七十 者之所悼也故為之銘銘曰 者眾矣若公之死志匡王國氣震奸佞動獲其所斯盖 臣書之公之死而传者始畏公議於庫古之不得其死 則孔子不曰未見剛者出於秦楚之後則漢祖不曰安 其節猶能奮百代之上以為世軌第令生於定哀之間 得其死者歟公之徳之才洽於傳聞卒以不試而獨中 忠為美道是履諫而死佞者止史之志石以紀為臣軌

不見叔度不自以為不及既覩其人 周然若有失也其母問曰汝復從牛醫兒來耶對曰良 未及勞問逆曰子國有顏子寧識之乎因曰見吾叔度 移日不能去謂憲曰子吾之師表也既而前至衣烟所 淑至慎陽遇憲於逆旅時年十四淑妹然異之揖與語 黄憲字权度汝南慎陽人也世貧賤父為牛醫顏川前 邪是時同郡戴良才髙倨傲而見憲未嘗不正容及歸 黄憲列傳 後漢書 、則瞻之在前忽然

次足马事人上 府友人勸其仕憲亦不拒之暫到京師而還竟無所就 |日奉髙之羯譬諸汎滋雖清而易挹叔度汪汪若千頃 波登之不清清之不濁不可量也憲初舉孝廉又辟公 **表阕不宿而退進往從憲累日方還或以問林宗林宗 数曰叔度若在吾不敢先佩印綬矣太守王龔在郡禮** 進賢達多所降致卒不能屈憲郭林宗少将汝南先過 問不見黄生則鄙各之前復存乎心及蕃為三公臨朝 在後固難得而測矣同都陳蕃周舉常相謂曰時月之 文编

太學生何蕃入太學者廿餘年矣歲舉進士學成行尊 濁未議其方若及門於孔氏其殆庶乎故嘗著論云 論曰黄憲言論風旨無所傳聞然士君子見之者靡不 自太學諸生推頌不敢與蕃齒相與言於助教博士助 侯以為憲隤然其處順淵乎其似道淺深莫臻其分清 年四十八終天下號曰徵君 服深遠去班本将以道周性全無徳而稱乎余曽祖穆 何蕃傳韓愈

能止乃閉蕃空舍中於是太學六館之士百餘人人以 蕃淮南人父母具全初入太學歲率一歸父母止之其 諸生以薦蕃名文説者不可選紀公卿大夫知蕃者比 焯焯者數十餘事以之升於禮部而以聞於天子京師 教博士以状中於司業祭酒司業祭酒撰次蕃之奉行 後間一二歲乃一歸又止之不歸者五歲矣蕃純孝人 也関親之老不自克一日揖諸生歸養于和州諸生不 **肩立莫為禮部為禮部者率蕃所不合者以是無成功** 

一好定四庫全書 蕃之義行言於司業陽先生城請諭留蕃於是太學關 叱之六館之士不從亂兹非其勇敢惜乎蕃之居下其 之力不任其體其貌不任其心吾不知其勇也歐陽詹 哀其孤而字馬惠之大小必以力復斯其所謂仁數蕃 祭酒會陽先生出道州不果留歐陽詹生言曰蕃仁勇 生曰朱此之亂太學諸生舉将從之來請起蕃蕃正色 可以施於人者 不流也譬之水其為澤不為川乎川者 人也或者曰蕃居太學諸生不為非義葵死者之無歸

からういらん とこまら 攻朱宣於鄆州晉兵救宣宣取福遷戰死重誨少事明 安重海應州人也其父福選事晉為将以既勇知名梁 是以言之無亦使其無傳馬 飲故凡貧贱之士必有待然後能有所立獨何蕃歟吾 太學積者多施者不遐也天将雨水氣上無擇於川澤 髙澤者平髙者流半者止是改蕃之仁義充諸心行諸 澗谿之高下然則澤之道其亦有施乎抑有待於彼者 安重海傳五代史 文編 きた

之助其獨見之慮禍數所生至於臣主俱傷幾減其族 勞力時有補益而恃矜功寵威福自出旁無賢人君子 客之任事無大小皆所然决其勢傾動天下雖其盡忠 書令重誨自為中門使己見親信而以佐命功臣處機 為左領軍衛大将軍樞密使兼領山南東道節度使固 魏所與謀議大計皆重誨與郭彦威决之明宗即位以 宗為人明敏謹恪明宗鎮安國以為中門使及兵變於 解不拜改兵部尚書使如故在位六年累加侍中兼中 銀江四月 分言 卷六十三

其家殺園而後白誣園與守殷通謀明宗皆不能詰也 かんでしつうし ハ・チョウ 宰相任園判三司以其職事與重海爭不能得園怒辭 降勅處分明宗不得已從之由是御史諫官無敢言者 士桑弘遷歐傷相州録事祭軍親從兵馬使安處走馬 其前導重誨怒即臺門斬延而後奏是時隨駕殿子軍 疾退居於磁州朱守殷以汴州反重海遣人矯詔馳至 衝宰相前導弘遷罪死處决杖而己重誨已斬延乃請 斯其可哀者也重誨當出過御史臺門殿直馬延誤街 艾編

重酶知也宿州進白兔重酶曰兔陰且狡雖白何為遂 南縣獻嘉禾一望五穗重誨視之曰偽也笞其人而遣 自出多此類也是時四方奏事皆先白重海然後開河 | 異以悦人而塞責明宗不得已為下詔蠲除之其威福 而重海恐天下議已因取三司積欠二百餘萬請放之 之夏州李仁福進白鷹重海却之明日白日陛下詔天 明宗陰遣人取之以入他日按鷹於西郊戒左右無使 下母得獻鷹踢而仁福違詔獻鷹臣已却之矣重節出

金八四月月月

火足の事を動 素傑無驛馬其令劉知章 出獵不時給馬侯三遽以聞 減死明宗遣回鶻侯三馳傳至其國侯三至體泉縣縣 任遂欲内為社稷之計而外制諸侯之強然其輕信韓 乃得不死其盡忠補益亦此類也重誨既以天下為已 明宗大怒械知章至京師将殺之重誨從客為言知章 天下聞以馬故殺一軍使是謂貴畜而賤人令方因得 軍使田令方所收馬齊而多斃坐劾當死重誨諫曰使 却而不白明宗為人雖寬厚然其素性果於殺人馬牧

韓攻副供奉官烏昭遇復使於鏐而攻恃重誨勢數凌 唇的遇因醉使酒以馬蜜擊之鏐欲奏其事的遇以為 京師寓書重海其禮慢重海怒未有以發乃遣其發車 宗常異其禮以羈縻臣屬之而已明宗即位勢遣使朝 福繫所生也錢鏐據有兩浙號兼吳越而王自梁及莊 之患李嚴一出而知祥貳仁矩未至而董璋叛四方縣 攻之諧而絕錢鏐之臣徒陷彦温於死而不能去潞王 動師旅並與如投膏止火適足速之此所謂獨見之處

金グロノノン

辱國固止之及攻還返諧於重許曰昭遇見鏐舞蹈稱 たこうらんかう 耶報曰彦温非叛也得極客院宣請公趣歸朝廷耳從 温閉城以叛從珂遣人謂彦温曰我遇汝厚何苦而反 患乃欲陰圖之從珂閱馬黃龍莊其牙內指揮使楊彦 為河中節度使重酶以謂從珂非李氏子後必為國家 鏐官爵以太師致仕於是銭氏遂絕於唐矣路王從 臣而以朝廷事私告録昭遇坐死御史獄乃下制削奪 珂走虞鄉馳騎上變明宗疑其事不明欲究其所以乃

家事不了卿等不合致賀從珂罷鎮居清化里第重辦 怒曰吾兒為好人所中事 未辨明公等出此言是不欲 數銀宰相言從珂失守宜得罪馬道因白請行法明宗 **誨肯斬彦温以滅口重海率奉臣稱賀明宗大怒曰朕** 為我生致彦温吾将自訊其事彦稠等攻破河中希重 衛指揮使樂彦稠西京留守索自通率兵計之而戒曰 刺史以誘致之重誨固請用兵明宗不得已乃更遣侍 遣殿直都知范温以金帶襲衣金鞍勒馬賜彦温絳州

金石四屋白書

J. J. J. J. J. J. J. J. 不敢復言孟知祥鎮西川董璋鎮東川二人皆有異志 獨不能庇之耶使其杜門私第亦何與公事重海由是 自足此兒為我擔石灰拾馬糞以相養活令貴為天子 臣所宜言惟陛下裁之明宗曰吾為小校時衣食不能 宗曰公欲如何處置我即從公重誨曰此父子之際非 又以為請明宗顧左右而言他明日重誨乃自論列明 者明宗曰皆非公等意也道等惶恐而退居數日道等 容吾兒人聞邪趙鳳因言春秋責帥之義所以勵為臣

唐兵戍蜀者積三萬人其後知祥殺璋兼據两川而唐 度使以制璋且削其地璋以兵攻殺仁矩二人遂皆反 覺之以為 圖已益不自安既而遣李嚴為西川監軍知 重海每事裁抑務制其好心凡兩川守将更代多用己 之精兵皆陷蜀初明宗幸汴州重誨建議欲因以代吳 祥大怒即日斬嚴又分閥州為保寧軍以李仁矩為節 所親信必以精兵從之漸令分成諸州以虞緩急二人 明宗難之其後户部尚書李錄得吳謀者言徐知語

銀分四月至書

钦定四庫全書 ~ 皆為之辨既而少解始告重誨以彦温之言因廷詰彦 私募士卒繕治兵器欲自伐吳又與相者交私明宗以 至始奏貶鳞行軍司馬巴而捧聖都軍使李行徳十将 為信其直千緡初不以其事聞其後逾年知許之問不 問重誨重誨惶恐請完其事明宗初頗疑之大臣左右 欲舉吳國以稱藩願得安公一言以為信鏻即引謀者 張儉告變言樞密承古李虔敬語其容邊彦温云重誨 見重誨重誨大喜以為然乃以玉帶與謀者使遺知語

苟惜安公使得罷去是給其禍也趙鳳以為大臣不可 使孟漢瓊至中書趣馬道等議代重與者馬道曰諸君 重誨論請不已明宗怒曰放卿去朕不患無人顧武德 該重誨因求解職明宗慰之曰事已辨慎無措之智中 反遣石敬瑭討之而川路險阻糧運甚艱每費一石而 温具伏其詐於是君臣相顧泣下彦温行德儉皆坐族 動遂以范延光為樞密使而重誨居職如故董璋等 斗自闋以西民苦輸送往往亡聚山林為盗賊明

騎上言重訴怨望不可令至行營恐其生事而宣粮使 **於定四車全書** 孟漢瓊自行營使還亦言西人震駭之状因述重詢過 全賴人主里明得保家族因感歎泣下重誨去弘昭馳 奉事左右甚謹重誨酒酣為弘昭言昨被讒構幾不自 勝數重海過鳥翔節度使朱弘昭延之寝室使其妻子 宗謂重誨曰事勢如此吾當自行重誨曰此臣之責也 乃請行闋西之人間重誨來皆已恐動而重誨日馳數 百里遠近驚駭督趣糧運日夜不絕斃踣道路者不可

思馳趨京師未至拜河中節度使重訴己能希古爭求 所使耳吾以一死報國餘復何言乃械送二子於京師 父重誨見之驚曰二渠安得來已而曰此非渠意為人 處變重海二子崇緒崇賛宿衛京師聞制下即日奔其 其過官者安希倫坐與重海交私當為重海陰何宫中 惡重誨行至三泉被召還遇鳳翔弘昭拒而不納重部 任而以李從璋為河中節度使遣樂彦稠率兵如河中 動息事發棄市重誨益懼因上章告老以太子太師致

ر آ かんかとりはしていから 流血盈庭璋檢責其家資不及數干絡而己明宗下記 朝廷遣樂彦稠率兵至矣重誨曰吾死未塞責處勞朝 之而呼曰令公死未晚何遽如此又擊其首夫妻皆死 見重海號泣不已重酶用其故使者曰人言公有異志 戒曰有異志則與從璋圖之又遣宦者使於重誨使者 行至陝州下獄明宗又遣翟光業至河中視重海去就 拜於庭重海降而答拜從璋以檛擊其首重海妻走抱 廷與師以重明主之憂光業至從璋率兵園重海第入

職益出納之任也唐常以宦者為之至梁戒其禍始更 之肯宣之宰相而奉行之宰相有非其見時而事當上 職久矣子讀梁宣底見敬翔李振為崇政院使凡承上 雷死但恨不與國家除去潞王此其恨也嗚呼官失其 使以聞得肯則復宣而出之梁之崇政使乃唐樞宏之 决者與其被肯而有所復請者則具記事而入因崇政 其二子其餘子孫皆免重海得罪知其必死數白吾固 以其絕錢鏐致孟知祥董璋反及議伐吳以為罪并殺

金いてんろう

巻六十二

者心好之谷素多力遂奪其舊學畜弓箭習騎射久之 里校師谷切傳父學雖朴而博樂進士京師見樂武藝 というはんはう 樂谷字元修父中世眉山農家也少從士大夫讀書老 客之任既重而宰相自此失其職也 外也至崇韜重誨為之始復唐樞客之名然權俸於宰 相矣後世因之遂分為二文事任宰相武事任樞客樞 用士人其備顧問祭謀議於中則有之未始專行事於 巢谷傳 蘇縣 四十五

兩非君莫使遺之者谷許諾即變姓名懷銀步行往投 涇原武夫死非所惜顧妻子不免寒機豪中有銀數百 業成而不中第間西邊多號勇騎射擊刺為四方冠去 至軍中問馬及存實得罪将就逮自料必死謂谷曰我 諸郡不能制乃命存寶出兵討之存實不習蠻事邀谷 将有功號照河名将朝廷稍奇之會瀘州蠻乞弟擾邊 谷教之兵書二人相與為金石交熙寧中存實為河州 遊泰鳳涇原間所至友其秀傑有韓存實者尤與之善

金分四月百十

苯六十二

至梅矣不旬日必見死無恨矣予驚喜曰此非今世人 正月自梅州遗予書曰我萬里步行見公不自意全今 諱與子兄弟遊平生親友無復相聞者谷獨慨然自眉 徙雷自雷徒循予兄子瞻亦自惠再徙昌化士大夫皆 谷浮沈里中未嘗一見紹聖初予以罪謫居筠州自筠 鄉問故幼而識之知其志節緩急可託者也子之在朝 其子人無知者存實死谷逃避江淮間會赦乃出予以 山誦言欲徒步訪吾兄弟聞者皆笑其狂元符二年春

**設定四車全書** 

文機

言然亦奇其不用吾言而行其志也皆趙襄子厄于晉 也公無止我留之不可附其橐中無數千錢子方乏困 瞻於海南予愍其老且病止之曰君意則善然自此至 古之人也既見握手相泣已而道平生逾月不厭時谷 新州谷從之至新遂病死予聞哭之失聲恨其不用吾 亦强資遣之船行至新會有蠻綠獨其橐裝以逃獲於 彼數千里復當渡海非老人事也谷曰我自視未即死 年七十有三矣瘦曆多病非復昔日元修也将復見子

發之聞谷有子家在涇原軍中故為作傳異日以授 高恭者惜其不遇裹子而前遇存寶後遇子兄弟子方 恭不失人臣之禮吾是以先之谷於朋友之義實無愧 難惟恭無功易為先之襄子曰晉陽之難羣臣皆懈惟 孟談計三家之圍解行賞羣臣以恭為先談曰晉陽之 陽知伯率韓魏决水圍之城不沉者三板縣釜而爨易 子而食羣臣皆懈惟髙恭不失人臣之禮及襄子用張 雜居南夷與之起居出入益将終馬雖知其賢尚何以

於定四軍全書 一

有餘則以與道路之廢疾饿者馬又曰粟稼而生者也 食之當馬視時屋食之貴賤而上下其巧之傭以償之 其土田手鏝衣食餘三十年舍於市之主人而歸其屋 寶之亂發人為兵持弓矢十三年有官熟棄之來歸喪 約而盡問之王其姓承福其名世為京兆長安農夫天 巧之為技賤业勞者也有業之其色若自得者聴其言 谷始名榖及見之循州改名谷云 巧者王承福傳 **蜂愈** 卷六十三

待人力而後完也吾皆賴之然人不可徧為宜乎各致 シスコランショラ 人亦其宜也吾特擇其易為而無愧者取馬嘻吾操鳗 而有功也心難强而有智也用力者使於人用心者使 力馬又誠有功取其直雖勞無愧吾心安馬夫力易强 其事必有天殃改吾不敢一日拾鳗以嬉夫鳗易能可 其能以相生也故君者理我所以生者也而百官者承 若布與帛必蠶績而後成者也其他所以養生之具皆 君之化者也任有小大惟其所能若羯四馬食馬而怠 文編 四十八

守薄功而厚饗之者邪抑豊悴有時一去一來而不可 常者邪吾之心憫馬是故擇其力之可能者行馬樂富 者邪非多行可愧知其不可而强為之者邪将貴富難 殃者邪非强心以智而不足不擇其才之稱否而冒之 而歸之官也吾以是觀之非所謂食馬怠其事而得天 曰噫刑戮也或曰身既死而其子孫不能有也或曰死 矣有再至三至者馬而往過之則為墟矣問之其隊或 以入貴富之家有年矣有一至者馬又往過之則為虚

新方四屋 台書

卷六十三

らんろうらんことう 楊之道不肯板我一毛而利天下而夫人以有家為勞 貴而悲貧賤我宜異於人哉又曰功大者其所以自奉 心不肯一動其心以畜其妻子其肯勞其心以為人乎 謂其自為也過多其為人也過少其學楊朱之道者邪 而思之益賢者也益所謂獨善其身者也然吾有譏馬 也傳妻與子皆養於我者也吾能薄而功小不有之可 也又吾所謂勞力者若立吾家而力不足則心又勞也 身而二任馬雖里者不可能也愈始聞而惑之人從

殷時居中山得神仙之術能匿光使物竊姮娥騎蟾蜍 可與物同當吐而生已而果然明脈八世孫聽世傳當 功因封於卯地死為十二神當曰吾子孫神明之後不 毛顏者中山人也其先明脈佐禹治東方土養萬物有 之欲貪邪而亡道以丧其身者其亦遠矣又其言有可 哉雖然其賢於世之患不得之而患失之者以濟其生 以警余者故余為之傳而自鑒馬 金写四月五十 毛顏傳韓愈 卷六十三

其族而加東縛馬泰皇帝使恬賜之湯沐而封諸管城 遂獵圍毛氏之族拔其豪載頡而歸獻俘于章臺宫聚 次定四車上等 皇時家将軍恬南伐楚次中山将大獵以懼楚召左右 韓盧爭能盧不及盧怒與宋鵲謀而殺之醢其家泰始 居獨取其髦簡牘是資天下其同書泰其遂兼諸侯乎 今日之獲不角不牙衣褐之徒缺口而長鬚八竅而趺 **展長與軍尉以連山筮之得天與人文之兆筮者賀曰** 入月其後代遂隱不仕云居東郭者曰ை孜而善走與

并貨錢注記惟上所使自泰皇帝及太子扶蘓胡玄丞 士然見請亦時往累拜中書令與上益狎上當呼為中 直邪曲巧拙一隨其人雖見廢棄終點不洩惟不喜武 相斯中車府令高下及國人無不愛重又善隨人意正 號口管城子日見親寵任事顏為人强記而便敏自結 子外國之說皆所詳悉又通於當代之務官府簿書市 山經地志字書圖畫九流百家天人之書及至浮圖老 絕之代以及泰事無不暴録陰陽卜筮占相醫方族氏

111

卷六十三

管城其子孫甚多散處中國四方皆冒管城惟居中 嘻笑曰中書君老而禿不任吾用吾嘗謂君中書君令 找之因免冠謝上見其髮禿又所募畫不能稱上意上 與執燭者常侍上休方罷氣與絳人陳玄弘農陶弘及 書君上親决事以衡石自程雖宫人不得立左右獨類 不中書邪對曰臣所謂盡心者因不復召歸封邑終于 會稽褚先生友善相推致其出處必偕上召頡三人者 不待詔軟俱往上未當怪馬後因進見上将有任使拂

为足四年上十

五十一

名而姬姓之毛無聞新始以俘見卒見任使秦之滅諸 侯穎與有功賞不酬勞以老見疎泰真少恩哉 非其罪及蒙将軍扳中山之豪始皇封諸管城世遂有 謂魯衛毛聃者也戰國時有毛公毛遂獨中山之族不 太史公曰毛 氏有两族其一 者能繼父祖業 知其本所出子孫最為蕃昌春秋之成見絕於孔子而 手グピル 樹 郭索腕件柳宗元 卷六十三 姬姓文王之子封於毛所

豪人為觀游及賣果者皆爭迎取養視驗所種樹或移 索範云其鄉曰豊樂鄉在長安西聽業種樹凡長安富 人之日本人生生 上欲故其築欲客既然已勿動勿慮去不復顧其時也 天以致其性馬爾凡植木之性其本欲舒其培欲平其 如也有問之對曰索馳非能使木壽且孳也能順木之 **從無不活且碩茂查實以蕃他植者雖窺伺做慕莫能** 郭索馳不知始何名病倭隆然伏行有類索馳者故鄉 人號之廳與聞之曰甚善名我固當因捨其名亦自謂

哉問者曰以子之道移之官理可乎與曰我知種樹而 實害之雖曰憂之其實些之故不我若也吾又何能為 提其本以觀其疎客而木之性日以離矣雖曰愛之其 其長而已非有能碩茂之也不抑耗其實而已非有能 若子其置也若葉則其天者全而其性得矣故吾不害 勤旦視而暮撫己去而復顧甚者爪其庸以驗其生枯 不過馬則不及苟有能反是者則又愛之太恩憂之太 **蚤而蕃之也他植者則不然根拳而上易其培之也者** 基六十三

金ガセルノョー

たろうう ノーチラ ニー 人何以蕃吾生而安吾性即故病且急者是則與吾業 聚之擊木而召之吾小人報發饔以勞吏者且不得暇 馬而卒以禍且暮吏來而呼曰官命促爾耕弱爾植督 已理非吾業也然吾居鄉見長人者好煩其令若甚憐 者其亦有類乎問者唔曰不亦善夫吾問養樹得養人 爾獲蚤綠而緒蚤織而縷字而切孩遂而雞豚鳴鼓而 術傳其事以為官戒也 梓人傳柳宗元

執斧斤或執刀鋸皆環立嚮之梓人左持引右執杖而 者其後京兆尹将飾官署余往過馬委奉材會衆工或 不能理曰将求它工余甚笑之謂其無能而貪禄嗜貨 作於私家吾以其直大半馬他日入其室其床關足而 善度材視棟字之制馬深圓方短長之宜吾指使而奉 工役馬捨我眾莫能就一字故食於官府吾受禄三倍 馬所職尋引規矩絕墨家不居舊野之點問其能曰吾 裴封叔之第在光德里有梓人致其門願傭隟宇而處

金分四月在書

墨六十三

大足の事 上島 其心智而能知體要者級吾聞勞心者役人勞力者役 **駭然後知其術之工大矣繼而歎曰彼将捨其手藝專** 某日某建則其姓字也凡執用之工不在列余園視大 毫釐而構大厦無進退馬既成書於上棟曰某年某月 者奔而右顧而指曰鋸彼執錫者趨而左俄而斤者鄧 中處馬量棟宇之任視木之能舉揮其杖曰斧彼執谷 而退之亦莫敢愠馬畫宫於堵盈尺而曲盡其制計其 刀者削诣視其色俟其言莫敢自斷者其不勝任者怒

者舉而加馬指而使馬條其綱紀而盈縮馬齊其法制 役馬猶衆工之各有執佐以食力也彼佐天子相天下 六職判而為百役外薄四海有方伯連率郡有守邑有 宰皆有佐改其下有胥吏又其下皆有嗇夫版尹以就 其上為中士為上士又其上為大夫為卿為公離而為 本於人其執役者為徒隸為鄉師里胥其上為下士义 足為佐天子相天下法矣物莫近乎此也彼為天下者 於人彼其勞心者輕能者用而智者謀彼其智者歟是 卷六十三

金ジレ

ノニート

久已可戶 A B 得萬國既理天下舉首而望曰吾相之功也後之人循 衆工而不伐藝也夫然後相道得而萬國理矣相道既 侵衆官日與天下之英才討論其大經猶梓人之善運 能者退而休之亦莫敢愠不衔能不释名不親小勞不 士使稱其職居天下之人使安其業視都知野視野知 國視國知天下其遠邇細大可手據其圖而究馬猶梓 而整頓馬猶梓人之有規矩絕墨以定制也擇天下之 人畫宮於堵而績子成也能者進而由之使無所德不 五五

墨之曲直規矩之方圓尋引之短長姑奪衆工之斧斤 其大者遠者馬所謂不通是道者也猶梓人而不知絕 執用者不列也大哉相乎通是道者所謂相而已矣其 金分巴人 親小勞侵衆官竊取六職百役之事听听於府庭而遺 召其百執事之勤勞而不得紀馬猶梓人自名其功而 跡而慕曰彼相之才也士或談殷周之理者曰伊傅周 鋸以佐其藝又不能備其工以至 敗績用而無所成 知體要者反此以恪勤為公以簿書為尊街能於名

白量

不可抑而下也被者不可張而廣也由我則固不由我 亦在任之而已余曰不然夫絕墨誠陳規矩誠該高者 b 抢也丧其制量屈而不能守也棟橈屋壞則曰非我罪 去不屈吾道是誠良梓人耳其或嗜其貨利忍而不能 也不亦謬歟或曰彼主為室者戃或發其私智牽制粹 則比彼将樂去固而就把也則卷其術點其智悠爾而 人之慮奪其世守而道謀是用雖不能成功豈其罪耶 可乎哉可乎哉余謂梓人之道類於相故書而藏之

也居士曰吾家藏書一萬卷集録三代以來金石遺文 楊氏潜其名 欽定匹庫全書 梓人益古之審曲面勢者今謂之都料正云余所遇者 千卷有琴一張有棋一局而常置酒一壺客曰是為 賴水之上則又更號六一居士客有問曰六一 爾奈何居士曰以吾一翁老於此五物之間是豈 居士初謫派山自號醉翁既老而衰且病将退休 六一居士傳歐陽修 何謂

極吾樂於其間者世事之為吾累者衆也其大者有二 閱大戰於涿鹿之原未足喻其樂且適也然常患不得 在前而不見疾雷破柱而不驚雖響九奏於洞庭之野 生所前畏影而走乎日中者也余将見子疾走大喘渴 · /· / · / · / · / · | 何居士曰吾之樂可勝道哉方其得意於五物也太山 **夫不必逃也吾為此名聊以志吾之樂爾客曰其樂如** 不為六一乎客笑曰子欲逃名者乎而屢易其號此莊 死而名不得逃也居士曰吾固知名之不可逃然亦知 五十七

客俱起握手大笑曰置之區區不足較也已而歎曰夫 又多憂累於此者既佚矣幸無思吾其何擇哉於是與 吾之所以志也客復笑曰子知軒蒙珪組之累其形而 形不病而已悴心未老而先衰尚何暇於五物哉雖然 不知五物之累其心乎居士曰不然累於彼者己勞矣 骸骨使得與此五物偕返於田盧庶幾償其風願馬比 吾自乞其身於朝者三年矣一日天子惻然哀之賜其 馬軒裳珪組勞吾形于外憂患思慮勞吾心於內使吾

**銀定四库全書** 

张六十三

自傳 伯夷神農之後也佐充舜有大功賜姓曰姜其後見經 違其素志而自食其言宜去三也吾負三宜去雖無五 今既老且病矣乃以難强之筋骸貪遇分之榮禄是将 士少而仕老而休益有不待七十者矣吾素慕之宜去 物其去宜矣復何道哉熙寧三年九月七日六一居士 也吾當用於時矣而記無稱馬宜去二也壮猶如此 許氏世譜王安石

或日由亡求於世者耳一與之天下益不受也故好事 漢與許氏侯者六人栢至侯盎宋子侯惡嚴侯猜此三 者以云而由與伯夷其生後先所祖同不同莫能知也 箕山箕山上益有許由家馬其事不見於經學者疑之 其封姓然世傳有許由者克以天下讓由由不受逃之 從大侯征伐會盟竟於春秋及後世無復國而子孫以 是也曰齊曰許春秋所書齊侯許男是也周衰許男當 者四國曰申詩所謂申伯者是也曰呂書所謂呂侯者

舒定四库全書

基六十三

て...う. 祭馬許靖者避地交州後入蜀先主以為太傳與從弟 林傳於世許楊者治鴻隙陂有德於汝南汝南之民報 侯舜樂成侯延壽此三侯者同産昆弟也以外戚起於 會稽有許判者循吏也許慎者以經術顯許峻者為易 子嘉常為大司馬至王莽敗許氏始皆失其封云後漢 宣元之世昌邑人也盎孫昌嘗為丞相延壽及廣漢弟 侯者其始以将封而史不書其州里平恩侯廣漢博望 劭俱善論人物劭兄虔亦知名世稱平與淵有二龍馬 ). T. 1. 五十九

校尉猛幽州刺史奇子遐侍中猛子式平原太守自允 者為最威然島陽之族不見其所始有據者任魏歷校 尉郡守生允為鎮北将軍允三子皆仕司馬晉竒司隷 者猶不乏馬至昌邑始大著問興於汝南其後祖高陽 生亦有至性馬初許氏野邑於周子孫播散四方有紀 許攻者東陽人也德行馬察孝廉不起老於家其子曰 慎峻楊靖皆汝南人也許褚者家於熊以忠力事魏封 侯牟鄉許慈者家南陽入蜀父子為博士司馬晉時有

銀定四年全書

卷六十三

かいうい ノニシ 挂為旌陽太守於齊珪生勇慧齊太子家令勇慧生懋 至式皆知名允後五世詢司馬晉當召官之不起詢孫 宰相欽寂謂紹曽大父也萬歲中帥師當契丹為所敗 少子寬博有遇幹别自封平恩侯與敬宗俱為龍朔中 有勞於唐爵安陸郡公圉師欽寂欽明其後也圉師紹 者善心族父也通守夷陵治有恩流户自歸數十萬卒 領史官次齊梁時事有子善心為之卒業是時有許紹 為學以孝聞卒於梁為中庶子懋生亨為陳衛尉卵當

已盡煮茶紙以食猶堅守賊所以不得南向以睢陽弊 睢陽抗賊自以不及巡推巡為将而親為之下久之食 令伯以文稱當世天寶之亂敬宗有孫曰遠與張巡以 者祭之敬宗者善心子也始以公開郡於高陽與其孫 言告守者所以破賊兄弟将兵一旦同以身狗邊鄙賢 京州都督案行卒與突厥遇亦執使降至靈州顧為庫 守無忘忠也契丹即殺之是歲弟欽明亦遇殺欽明為 執以如安東使說守者降至安東日敵令且破滅公勉

卸定四库全書

**顧竟去於是聞者滋以規為長者卒龔池州後以子** 家家大驚愧之因請獻金如己兒言以為許君毒規不 曰以是交長者規許諾敬負其骨千里并黄金置死者 事自恩嘗羁旅宣欽問開旁合呻呼就之曰我其郡人 其鋒也卒與俱死者皆天下豪傑義士云唐亡遠孫儒 也察君長者且死願以骸骨屬君因指索中黄金十斤 有信仕江南李氏恭徳化軍事桐生規好道家言不以 不義朱梁自雍州入于江南終身不出馬儒生稠沈毅


事宰相趙普竒其意以為與已合知與元府起鄼侯廢 崇文館校書即歲終拜监察御史後復上書太宗論邊 為進士逃字景山當上書江南李氏李氏數竒之以為 奉臣巡當選讓其兄遂天子以遂試将作監主簿遂子 曰汝獨不惭許伯通乎祥符中天子有事於泰山加恩 贈大理評事生遂巡回三子遂善事母里母勵其子軟 不遂嘗知與國軍大治縣縣人至今稱之俞兩子均垍 俞字堯言名能文章大臣屢薦之有與不合者官以故

一好定四年全書

卷六十三

次定四軍全書! 莫不以為材其勞烈方在史氏記余故不論而著其家 為太子中含簽書淮南節度判官處公事元今為江淮 堰以利民治澧荆楊三州為盗者逃而去其事兄如事 士發運判官七年遂為其使待制天章閣自天子大臣 友如其先人故士大夫論孝友者歸許氏元以國子博 荆湖两浙制置發運使平泰州海陵主簿五人者咸孝 父使妻事其長姒如事母故人無後為嫁其女如已子 有子五人恂黄州録事祭軍恢尚書處部員外郎怡今 文編

庶幾馬彼其後世忠孝之良亦使之遭時沐浴舜禹之 馬考是論之夫伯夷之所以佐其君治民余讀書未當 始顯馬然自許男見於周其後數封而有紀之子孫多 為太廟齊郎臨川王某曰余譜許氏自據以下其緒傳 **萎顏村有子會為進士方壮時亦慨然好議天下事令** 為弟也慷慨有大意少當仕李氏後不復仕與其兄俱 行云迴字光遠其事母如伯通之孝事其兄如景山之 不喟然歎思之也傳曰威德者必百世祀若伯夷者益



		 7		 , <del></del>
文編署	·			,
文編卷六十三				
				* *: + =
			-	
		:		